

VÍN, BORG MINNA DRAUMA

Lag: Rudolf Siczynski

Ljóð: Höskuldur Þráinsson

(Samið árið 2000 í minningu Vínarvínarins Lárusa Sveinssonar trompetleikara og stjórnanda Stefnis um árabíl)

Mitt hjarta og sál, öll hugsun og mál
er helgað þér, Vín, hverja stund.
Í gleði og sorg ég geng um þín torg,
með góðvinum á ég hér fund.
Og aldregi dvín, þú ástkæra Vín,
sú ást sem þú kveiktir hjá mér.
Ef héldi ég burt yrði hjartað um kjurt
og hugur minn eftir hjá þér.

Þá heyri ég úr fjarska löngum eitt ljóð,
svo ljúfan óm með töfrahljóð:
Vín, Vín, þú aðeins ein
æ verður borg minna drauma hrein.
Með þínum gömlu götukrám
glöðværðu meyjum og fögru trjám.
Vín, Vín, þú aðeins ein
æ verður borg minna drauma hrein.
Borgin sem unni ég alla tíð
er Vín, er Vín, já Vín.

Sé öldrykkjumót eða eins konar blót
má ætla að ég verði með.
Ég gleðst þar við söng og góð drykkjarföng
svo gleymast mér sorgir og streð.
Og svönnum á krá, ef sopið er á,
ég sýni ei prett eða fals.
Ég uni við dans með ungmeyjafans
þó einkum ef leikinn er vals.

Þá heyri ég úr fjarska ...

Ég skil að ég verð að fara í þá ferð
sem farin er síðasta dag
og kveðja þig, Vín, ó, kærastan mín.
Ég kvíði þó ei um minn hag.
Er flýg ég af stað þá frétt hef ég að
þar fagni mér himinim blár.
Þá sest ég á ský og sáttur á ný
ég sé þína turna og krár.

Þá heyri ég úr fjarska ...